

(1233) 1234, febrer, 12

Marquesa, filla de Pere Vassall, fa donació al seu nebot Berenguer de tots els seus drets sobre el mas Vassall de Sant Daniel.

ASD, núm. 103, perg. imitació d'original, 175 x 148 mm.

Sit notum cunctis quod ego Marchesia, filia Petri Uasalli qui fuit, per me et per meos dono donacione inter uiuos tibi Berengario nepoti meo et filioli et tuis perpetuo omnia mea iura et uoces et acciones meas reales et personales, utiles et directas et quicquid mihi competit et competere debet aut pertinet modo uel in futurum tam uoce et ratione patris mei et matris mee, tam ex testamento quam ab intestato quam alio aliquo iure, in toto rnanso Uasallo quem habeo in parrochia et alodio et ualle Sancti Danielis et in toto honore culto et heremo eidem manso pertinenti; hec inquam omnia tibi et tuis perpetuo dono prout melius dici uel intelligi potest ad tuum tuorumque comodum, faciendo te procuratorem in rem tuam propriam ad omnem tuam tuorumque uoluntatem omni tempore ibi et inde faciendam, saluo iure Sancti Danielis in omnibus, sine aliquo retentu quod inde non facio et omnibus meis uocibus et rationibus in tuum dominium translatis et penes te remanentibus; hanc siquidem donationem tibi facio salua et retenta mihi de uita mea tantum illa media uinea quam ego nunc teneo, quam mediam uineam post obitum meum habeas ad omnem tuam uoluntatem faciendam saluo iure domini. Et si causa ingratitudinis uel aliquo iure scripto uel non scripto in futurum huic donationi obuiam ire passem, illi iuri penitus in perpetuum renuncio. Et iuro super .III. Dei Euangelia quod hanc donationem semper ratam habeam et firmam et quod contra eam de cetero non ueniam nec uenire faciam.

Actum est hoc .II. idus februarii anno Domini MCCXXX. tercio.

Sig+num Marchesie predicte, que hoc firmo et laudo. Sig+num Bernardi de Sauarres.
Sig+num Raimundi Amati. Sig+num Arnalli Amati.

(s. man.) Ego Paschalis scripsi mandato Bernardi de Uicco, publici Gerunde notarii. Ego Bernardus de Uicco, publicus Gerunde notarius, subscribo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 222-223